

## **Prefaziun**

La cumissiun administrativa ha decidì da metter a disposiziun la collecziun da leschas da la baselgia catolica en furma electronica, da publitgar ella en l'internet sco er da la restampar. La digitalisaziun vegn fatga en ina banca da datas en format pdf. La collecziun da leschas vegn publitgada en trais linguas sin la pagina d'internet da la baselgia catolica dal chantun Grischun [www.gr.kath.ch](http://www.gr.kath.ch), ch'exista dapi l'october 2003.

La restampa na vegn betg realisada sco fin uss en furma d'in ordinatur cun fecls libers, mabain sco brochura, mintgamai separadamain per las trais linguas chantunalas.

En il rom da questas lavurs è la collecziun da leschas vegnida amplifitgada cun ils suandants decrets: Urden da gestiun dal Corpus catholicum; Statut da la Conferenza da las organisaziuns chantunalas da dretg canonic en l'uestgieu da Cuir (Conferenza da Biberbrugg); Directivas per l'engaschament e la salarisaziun da catechetas e catechets en uffizi accessori; Scala da las pajas per catechetas e catechets; Reglament per la cumissiun per ovras da la baselgia chantunala; Statut dal Center catechetic dal Grischun; Statut dal Post da cussegliaziun per dumondas da lèt, famiglia e vita da la baselgia catolica dal chantun Grischun; Reglament per la cumissiun per la lavur cun giuvenils. En l'annexa è l'artigel 11 da la veglia constituziun chantunala vegnì remplazzà tras ils artitgels 98 e 99 da la nova constituziun dal chantun Grischun dals 18 da matg 2003.

Per las translaziuns en rumantsch e talian engraziain nus a la Lia rumantscha ed a signur Guido Lardi da Poschiavo.

La cumissiun administrativa è persvasa che las novaziuns faciliteschan a tut ils utilisaders potenzials l'access a la collecziun da leschas.

Cuir, il 1. da zercladur 2004

Per la cumissiun administrativa

Il president:  
*lic. iur. Luis W. Pajarola*

Il secretari:  
*lic. oec. HSG Marius Augustin*